



পাস বুক - বাংলা-১



পড়ার সময় : মাত্র ১২ ঘণ্টা



লক্ষ্য : ৩৪ মার্কস



ডিপ্লোমা ইঞ্জিনিয়ারিং শিক্ষার্থীদের জন্য দ্রুত রিভিশনের পারফেক্ট সলিউশন!



পৃষ্ঠা সংখ্যা :



ই-বুক ভার্সন : ৯৩ পৃষ্ঠা



প্রিন্টযোগ্য কাগজে : ৩১ পৃষ্ঠা



পরীক্ষা সংক্রান্ত তথ্য :



মোট মার্কস : ৬০



পাস মার্কস : ২৪



প্রশ্ন ও মার্কস বিশ্লেষণ :



অতিসংক্ষিপ্ত প্রশ্ন :

মোট পড়তে হবে : ১১৪টি

নিশ্চিত কমন : মিনিমাম ৬ টি

নিশ্চিত মার্কস : ৬ (প্রতি প্রশ্নে ১ মার্কস)



**সংক্ষিপ্ত প্রশ্ন :**

মোট পড়তে হবে : ৫৯টি

নিশ্চিত কমন : ৫ টি

নিশ্চিত মার্কস : ১০ (প্রতি প্রশ্নে ২ মার্কস)

**রচনামূলক প্রশ্ন :**

মোট পড়তে হবে : ২৮ টি

নিশ্চিত কমন : মিনিমাম ৩টি

নিশ্চিত মার্কস : ১৮ (প্রতি প্রশ্নে ৬ মার্কস)

**কিভাবে পড়বেন এই পাস বুক :****অধ্যায় বাছাই (সবার আগে শেষ করুন) :**

অধ্যায়	বিষয়	কারণ
১	বঙ্গভাষা	পর্ব সমাপনী পরীক্ষায় আসে
২	সোনার তরী	গুরুত্বপূর্ণ ও বারবার আসে
৫	প্রত্যাবর্তনের লজ্জা	গুরুত্বপূর্ণ ও বারবার আসে
৭	বিলাসী	গুরুত্বপূর্ণ ও বারবার আসে
৮	জাহাজী	পর্ব সমাপনী পরীক্ষায় আসে
১০	জীবন ও বৃক্ষ	পর্ব সমাপনী পরীক্ষায় আসে
১১	সূর্য-দীঘল বাড়ি	পর্ব সমাপনী পরীক্ষায় আসে
১২	মানুষ	পর্ব সমাপনী পরীক্ষায় আসে



31 স্টাডি প্ল্যান (মোট সময় : ১২ ঘণ্টা) :

-  ২ ঘণ্টা → অধ্যায় ১ এবং অধ্যায় ২
-  ২ ঘণ্টা → অধ্যায় ৩ এবং ৪
-  ৩ ঘণ্টা → অধ্যায় ৫, ৬ এবং ৭
-  ২ ঘণ্টা → অধ্যায় ৮ এবং ৯
-  ৩ ঘণ্টা → অধ্যায় ১০, ১১ এবং ১২

 পাস বুকের প্রধান লক্ষ্য :

-  দ্রুত রিভিশনের সুবিধা- পরীক্ষার আগে সময় বাঁচায়
-  গুরুত্বপূর্ণ প্রশ্ন- উত্তরের সংক্ষিপ্ত বিন্যাস
-  সারাংশভিত্তিক সাজানো- এক নজরে পুরো বিষয়টা দেখে ফেলা
-  মূল টপিক ফোকাস- আত্মবিশ্বাস গড়ে তোলার সহায়ক

 বিশেষ দ্রষ্টব্য :

-  এটি একটি পূর্ণাঙ্গ টেক্সটবুক নয়- বরং সঠিক সময় ব্যবস্থাপনার রিভিশন গাইড।
-  পরীক্ষার আগের “last moment” প্রস্তুতির জন্য উপযুক্ত সহকারী!

অধ্যায়-১

কবিতা : বঙ্গভাষা

SOS

অতি সংক্ষিপ্ত প্রশ্নোত্তর :

*** ১। কুললক্ষ্মী কবিকে স্বপ্নে কী উপদেশ দিয়েছিল?

বাকাশিবো- ২০১১, ১৪, ১৬, ১৮

উত্তর : কুললক্ষ্মী কবিকে স্বপ্নে ঘরে ফিরে ইংরেজি সাহিত্য ছেড়ে বাংলা সাহিত্য চর্চার উপদেশ দিয়েছিল।

*** ২। ‘বঙ্গভাষা’ কবিতাটি কোন ছন্দে রচিত?

বাকাশিবো- ২০১৬, ১৪

উত্তর : ‘বঙ্গভাষা’ কবিতাটি অক্ষরবৃত্ত ছন্দে রচিত।

*** ৩। সনেট কাকে বলে?

বাকাশিবো- ২০১২, ১৭, ১৯

উত্তর : চৌদ্দ অক্ষর বা মাত্রায়ুক্ত পঙক্তিবিশিষ্ট, চৌদ্দ পঙক্তির গীতি কবিতাকে সনেট বলা হয়। বাংলায় সনেটকে চতুর্দশপদী কবিতা বলে।

*** ৪। কবি কোন লোভে মত্ত হয়ে পরদেশে ভ্রমণ করেছিলেন?

বাকাশিবো- ২০১৬, ১৭‘পরি

উত্তর : পরধন লোভে মত্ত হয়ে কবি পরদেশ ভ্রমণ করেছিলেন। তিনি মাতৃভাষা বাংলাকে ছেড়ে ইংরেজি ভাষায় বিখ্যাত কবি হওয়ার স্বপ্ন দেখেছিলেন, কিন্তু তাতে সফল হতে পারেনি। তাই তিনি ব্যর্থ হয়ে মাতৃভাষা বাংলার কাছে ফিরে এসেছেন।

*** ৫। ‘বঙ্গভাষা’ কবিতাটি কোন ধরনের রচনা?

বাকাশিবো- ২০১৪, ১৪’পরি, ১৭

উত্তর : ‘বঙ্গভাষা’ কবিতাটি একটি ‘সনেট’ ধরনের রচনা।

** ৬। ‘মেঘনাদবধ’ কাব্যের রচয়িতা কে?

বাকাশিবো- ২০১৬

উত্তর : ‘মেঘনাদবধ’ কাব্যের রচয়িতা মাইকেল মধুসূদন দত্ত।

** ৭। কবিতার সংজ্ঞা লেখ।

বাকাশিবো- ২০১৭, ১২, ১৬

উত্তর : কবিতা : মানুষের মনের ভাবনা-চিন্তা যখন ছন্দে বিশেষ ভাবে প্রকাশ পায় তখন তাকে কবিতা বলে।

*** ৮। অমিত্রাক্ষর ছন্দের প্রবর্তক কে?

উত্তর : অমিত্রাক্ষর ছন্দের প্রবর্তক মাইকেল মধুসূদন দত্ত।

Note : অমিত্রাক্ষর ছন্দ : কাব্যে যে ছন্দে চরণদ্বয়ের অন্ত্যবর্ণের মিল থাকে না, তাকে অমিত্রাক্ষর ছন্দ বলে।

** ৯। ‘বঙ্গভাষা’ কবিতার অষ্টকের মূলভাব কী?

বাকাশিবো- ২০১২

উত্তর : মাতৃভাষার প্রতি উপেক্ষাজনিত মনোবেদনা।

** ১০। ‘কুললক্ষ্মী’ কে?

বাকাশিবো- ২০১৬

উত্তর : ‘কুললক্ষ্মী’ বলতে ‘কাব্যলক্ষ্মী’ বা কাজের অধিষ্ঠাত্রী দেবীকে বুঝিয়েছেন। অন্য অর্থে কবির নিজের অবচেতন মনকেই বুঝিয়েছেন।

**** ১১। ‘বঙ্গভাষা’ কবিতায় কবি ‘মাতৃকোষ’ বলতে কী বুঝিয়েছেন?**

বাকাশিবো- ২০১৪, ১৬

উত্তর : ‘বঙ্গভাষা’ কবিতায় কবি ‘মাতৃকোষ’ বলতে বাংলা সাহিত্যকে বুঝিয়েছেন।

***** ১২। ‘বঙ্গভাষা’ কবিতায় কবিকে কে ঘরে ফিরে যেতে বলেছেন?**

বাকাশিবো- ২০২২

উত্তর : ‘বঙ্গভাষা’ কবিতায় কুললক্ষ্মী কবিকে ঘরে ফিরে যেতে বলেছেন।

SOS সংক্ষিপ্ত প্রশ্নোত্তর :

**** ১। ‘বঙ্গভাষা’ কবিতায় কবির আক্ষেপ কীভাবে প্রকাশ পেয়েছে?**

বাকাশিবো- ২০১৫, ১৬, ২০

উত্তর : কবির ইচ্ছে ছিল ইংরেজি সাহিত্য চর্চা করে ইংরেজি কবি হওয়ার কিন্তু কবির সে ইচ্ছা বাস্তবায়ন হয়নি। সেজন্য তিনি নিজ দেশ ও মাতৃভাষা ত্যাগ করেছিলেন। এমনকি সুখকে ত্যাগ করে ভিক্ষকের মতো জীবনযাপন করতেন। তারপরও তিনি সফল হতে পারেননি। অবশেষে নিজের ভুল বুঝতে পেরে বাংলা সাহিত্য চর্চা শুরু করেন এবং আক্ষেপ করে বলেন আগে থেকে যদি বাংলা সাহিত্য চর্চা করতাম তাহলে অনেক সমৃদ্ধ ও সম্পদশালী হতে পারতাম। কবি আক্ষেপ করে ইংরেজি সাহিত্যকে শ্যাওলার সাথে তুলনা করেছিলেন।

**** ২। ‘বঙ্গভাষা’ কবিতায় কবির কী দশা হয়েছিল?**

***** অথবা, ‘এ ভিখারি-দশা তবে কেন তোর আজি’?- এ উক্তিটি কার? এখানে ভিখারি কাকে বলা হয়েছে এবং কেন?** বাকাশিবো- ২০১৩’পরি, ১৪, ১৬

উত্তর : ‘বঙ্গভাষা’ কবিতায় কবি মাইকেল মধুসূদন দত্ত অনাহারে, অর্থকষ্ট ভোগ করেছিলেন। তিনি ইংরেজি ভাষার কবি হওয়ার চেষ্টা করেছিলেন। এর জন্য তিনি প্রচুর ইংরেজি সাহিত্য চর্চা করতেন কিন্তু শেষ পর্যন্ত তিনি সফল হতে না পারায় অনাহার ও অর্থ কষ্টের দুর্দশা শুরু হয়েছিল।

***** ৩। সনেটের বৈশিষ্ট্য উল্লেখ কর।**

বাকাশিবো- ২০১২’পরি, ১৬, ১৭, ১৮, ১৯’পরি

উত্তর : (১) সনেট মনুয় কবিতা। অর্থাৎ সনেটে কবির মনের ভাব প্রকাশ পায়।
 (২) সনেটে ১৪টি পঙক্তি থাকে। প্রত্যেক পঙক্তিতে নির্দিষ্ট অক্ষর ও বর্ণ থাকে।
 (৩) সনেটের ১ম আট চরণকে বলে অষ্টক এবং শেষের ছয় চরণকে বলে ষটক।
 (৪) অষ্টক দ্বারা ভাবের উপস্থাপন আর ষটক দ্বারা ভাবের উপসংহারকে বুঝায়।
 (৫) সনেটের আয়তন খুব বড় হবে না।
 (৬) সনেটের মিল হতে হবে নিখুঁত।
 (৭) সনেটে একটিমাত্র ভাবের দ্যোতনা থাকে।

*** ৪। কুললক্ষ্মী কবিকে স্বপ্নে কী উপদেশ দিয়েছিল?

বাকাশিবো- ২০১৫, ১৬, ১৮

উত্তর : কবি তার নিজ দেশ, নিজ ভাষা, নিজ জাতিকে ছেড়ে বিদেশে বসবাস করা শুরু করেন। তিনি ইংরেজি সাহিত্য চর্চা করে খ্যাতি অর্জন করতে চেয়েছিলেন কিন্তু তা বাস্তবায়ন হয়নি। যখন ব্যর্থ হয়ে তাকে বিদেশে দুর্দিন কাটাতে হয় তখন কুললক্ষ্মী (অধিষ্ঠাত্রী দেবী) তাকে সঠিক পথের দিক-নির্দেশনা দেন। কুললক্ষ্মীর উপদেশে কবি বাংলা সাহিত্য চর্চা করে সফলতা লাভ করেন।

*** ৫। ‘বঙ্গভাষা’ কবিতাটি কী সনেট? কেন? সংক্ষেপে লেখ।

বাকাশিবো- ২০১৭, ১৮

উত্তর : ‘বঙ্গভাষা’ কবিতাটি একটি সনেট। কারণ ‘বঙ্গভাষা’ কবিতায় কবির মনের ভাব প্রকাশ পেয়েছে। এতে ১৪ টি চরণ এবং প্রত্যেক চরণে ১৪ টি অক্ষর বা বর্ণ রয়েছে। এর প্রথম ৮ লাইনকে অষ্টক এবং ৬ লাইনকে ষটক বলা হয়। অষ্টক হলো ভাবের উপস্থাপন যা “কখ কখ খক খক” ধারার এবং ষটক হলো ভাবের উপসংহার “যা গঘ ঙগ ঘঙ” ধারার মিল রয়েছে। সুতরাং উক্ত কবিতাটিতে সনেটের সকল বৈশিষ্ট্য বিদ্যমান বিধায় এটি একটি সনেট।

*** ৬। “হে বঙ্গ, ভাভারে তব বিবিধ রতন” এ পঙক্তি দিয়ে কবি কী বুঝাতে চেয়েছেন?

বাকাশিবো- ২০১২, ১২‘পরি, ১৪‘পরি, ১৫, ১৯

উত্তর : “হে বঙ্গ, ভাভারে তব বিবিধ রতন” এ পঙক্তিটিতে বঙ্গ বলতে কবি বাংলা ভাষাকেই বুঝিয়েছেন এবং ভাভারে তব বিবিধ রতন বলতে বাংলা ভাষায় রচিত সাহিত্য - ভাভারে বৈচিত্র্যময় ও উৎকর্ষমণ্ডিত সাহিত্য সম্পদে পরিপূর্ণকে বুঝিয়েছেন।

*** ৭। “কেলিনু শৈবালে, ভুলি কমল-কানন”- উক্তিটির তাৎপর্য বিশ্লেষণ কর।

বাকাশিবো- ২০১২, ১৭, ১৮, ২২

উত্তর : কবি বাংলা ভাষাকে পদ্যের এবং ইংরেজি ভাষাকে শ্যাওলার সাথে তুলনা করেছেন। কবি বাংলা ভাষাকে ত্যাগ করে ইংরেজি ভাষার সাহিত্য চর্চা করেন। কিন্তু তার সাধনা ব্যর্থ হয়। তিনি তার ভুল বুঝতে পারেন এবং উপরোক্ত উক্তিটি করেন। তিনি বলেন পদ্যবনকে ত্যাগ করে শ্যাওলা নিয়ে খেলা করলাম।

*** ৮। “মাতৃভাষা রূপ খনি, পূর্ণ মণিজালে” বুঝিয়ে লেখ।

বাকাশিবো- ২০১২‘পরি, ১৪‘পরি, ১৫, ১৬, ১৮

উত্তর : মাতৃভাষা ও সাহিত্য ভান্ডার যেন খনির মতো। খনি থেকে যেমন বিচিত্র রত্ন পাওয়া যায় তেমনি বাংলা ভাষা সাহিত্য-সম্পদে পরিপূর্ণ। কবি বিদেশি ভাষার সাহিত্য চর্চায় বিভোর ছিলেন এবং ইংরেজি ভাষার বিখ্যাত কবি হতে চেয়েছিলেন। কিন্তু তাতে তিনি ব্যর্থ হন। কল্যাণকামীদের পরামর্শে বাংলা ভাষায় সাহিত্য চর্চা শুরু করেন এবং খ্যাতি অর্জন করেন। এজন্য কবি মাতৃভাষার প্রতি কৃতজ্ঞতা জানিয়ে বলেছেন, “পাইলাম কালে মাতৃভাষা রূপে খনি, পূর্ণ মণিজালে”।

*** ৯। ‘বঙ্গভাষা’ কবিতায় কবি নিজেকে “অবোধ” বলেছেন কেন?

বাকশিবো- ২০১৭’পরি, ১৮’পরি, ২০’পরি

উত্তর : কবি মাইকেল মধুসূদন দত্ত ছিলেন ইংরেজি ভাষায় পারদর্শী। তাই তিনি ইংরেজি সাহিত্য চর্চা করে বিখ্যাত কবি হওয়ার স্বপ্ন দেখতেন। কিন্তু সে স্বপ্ন ছিল সবচেয়ে বড় ভুল। তিনি তার ভুল বুঝতে পেরে কল্যাণকামীদের পরামর্শে বাংলা ভাষায় সাহিত্য চর্চা শুরু করেন এবং খ্যাতি অর্জন করেন। তখন তিনি বুঝতে পারেন জীবনের প্রথম দিকে মাতৃভাষাকে অবহেলা করে কত ভুল করেছিলেন। এ কারণে কবি নিজেকে “অবোধ” বলেছেন।

SOS

রচনামূলক প্রশ্নোত্তর :

*** ১। “বঙ্গভাষা” কবিতার ভাষাপ্রীতি ও স্বদেশপ্রীতি সম্পর্কে আলোচনা কর।

বাকশিবো- ২০১২, ১৭, ১৮

উত্তর : মাইকেল মধুসূদন দত্ত বাংলা ভাষার চতুর্দশপদী কবিতার প্রবর্তক ছিলেন। বঙ্গভাষা কবিতাটি তার একটি সনেট। এই কবিতায় কবির স্বদেশপ্রীতি ও ভাষাপ্রীতি ফুটে উঠেছে।

নিম্নে বিস্তারিত আলোচনা করা হলো :

বঙ্গভাষা কবিতার ভাষাপ্রীতি ও স্বদেশপ্রীতি : কবি মাইকেল মধুসূদন দত্ত ছিলেন ইংরেজি ভাবধারাপুষ্ট বাঙ্গালি যুবক। কবির স্বপ্ন ছিলো ইংরেজি কবিতা রচনা করে ইংরেজি সাহিত্যিক হওয়ার। সেজন্য তিনি ইংরেজি সাহিত্য চর্চায় মত্ত ছিলেন। তার নিজ দেশ জাতি, ভাষার প্রতি কোন শ্রদ্ধা ছিল না। কিন্তু কবি বিদেশি ভাষা চর্চা করে সফলকাম হতে পারেন নি। সেজন্য তিনি বিদেশি ভাষা ছেড়ে বাংলা ভাষার সাহিত্য চর্চা শুরু করেন। অবশেষে সফলতা অর্জন করেন। এ থেকে বুঝা যায় কবির মনে স্বদেশপ্রীতি প্রকাশ পেয়েছে। কবি বাংলা ভাষা চর্চার ফলে বাংলা ভাষা যে সমৃদ্ধ তা

বুঝতে পেরেছেন। তাই কবি বাংলা ভাষাকে কমল-কানন (পদ্মবন) এর সাথে এবং বিদেশি ভাষাকে শৈবালের (শ্যাওলার) সাথে তুলনা করেছেন। যে ভাষাকে এবং দেশকে কবি ত্যাগ করেছিলেন, পরবর্তীতে সেটাই প্রিয় হয়ে ওঠে এবং সফলতা অর্জন করেন।

স্বদেশ বলতে বাংলাদেশের প্রকৃতি, পরিবেশ, মানুষ, মাটি ও ভাষাকে বুঝিয়েছেন। কবি এদেশে জন্মেছিলেন ঠিকই কিন্তু তার মন থাকতো বিদেশের মাটিতে। তিনি বিদেশের সাহিত্য রচনা করে সফল হতে পারেন নি। শেষ পর্যন্ত বাংলাতেই ফিরে আসতে হয়েছিল। বঙ্গভাষা কবিতায় তার সে চিন্তা-চেতনা সনেটের মাধ্যমে প্রকাশ করেছেন। এই কবিতার মাধ্যমে তার স্বদেশপ্ৰীতি ও ভাষাপ্ৰীতি প্রকাশ পেয়েছে।

উপসংহার : উক্ত আলোচনা থেকে বুঝতে পারলাম “বঙ্গভাষা” কবিতায় কবি মনের ভাব সনেটের মাধ্যমে প্রকাশ করেছেন। তার যে ভুল ছিল তা বুঝতে পেরে স্বদেশ ও ভাষার প্রতি ভালোবাসা ফুটিয়ে তুলেছেন।

*** ২। “বঙ্গভাষা” কবিতার মূল বক্তব্য বা ভাববস্তু নিজের ভাষায় লেখ।

বাকাশিৰো- ২০১২, ১৭'পরি, ২০১৮

উত্তর : ভূমিকা : কবি মাইকেল মধুসূদন দত্ত ছিলেন অমিত প্রতিভার অধিকারী। তিনি স্বপ্ন দেখতেন বিদেশি ভাষার সাহিত্য চর্চা করে বিখ্যাত কবি হওয়ার। সে জন্য তিনি ইংরেজি কবিতা লিখতে শুরু করেন। কিন্তু তার স্বপ্ন বাস্তবায়ন হয়নি। সে ব্যর্থতা স্মরণ করে কবি “বঙ্গভাষা” কবিতাটি রচনা করেন।

“বঙ্গভাষা” কবিতার মূল বক্তব্য / ভাববস্তু : মাতৃভাষা প্রতিটি মানুষেরই প্রিয়। এ ভাষাতে মানুষ সহজেই কথা বলে ও চিন্তা করে। এই কথা ও চিন্তা প্রতিভার কারণে কাব্যে স্থান পায়। কিন্তু কবি মাইকেল বাংলা ছেড়ে ইংরেজি ভাষার সাহিত্য চর্চা করেছিলেন। কবি বাংলা ভাষাকে অবহেলা করে ভুল করেছিলেন। সে ভুল বুঝতে পেরে তিনি মাতৃভাষা চর্চায় মত্ত হন তখনই তার প্রতিভা ফুটে ওঠে এবং বড় কবির মর্যাদা লাভ করেন। বাংলা ভাষায় রচিত সাহিত্য-সম্পদে পরিপূর্ণ। কবির এ ভাষাতেই প্রতিভার বিকাশ ঘটে। বড় বড় কবিরা এ ভাষায় কাব্য রচনা করে অনেক সমৃদ্ধি গড়ে তুলেছেন। কবি “বঙ্গভাষা” কবিতায় নিজের কথা বলেছেন। স্বদেশ ত্যাগ করে তিনি বিদেশ ছিলেন কিন্তু সেখানে অবহেলা, আত্মকষ্টে জীবনযাপন করতেন। নিজের ভুল বুঝতে পেরে কবি স্বদেশকে মর্যাদা দিয়েছেন। এটাই “বঙ্গভাষা” কবিতায় প্রকাশ পেয়েছে।

উপসংহার : উক্ত ভাববস্তু থেকে বুঝা যায় বঙ্গভাষা কবিতায় কবির মাতৃভাষার প্রতি ও স্বদেশের প্রতি গভীর ভালোবাসা জাগ্রত হয়।

*** ৩। সনেট বা চতুর্দশপদী কবিতা কাকে বলে? সনেট হিসাবে “বঙ্গভাষা” কবিতার সার্থকতা আলোচনা কর।

বাকাশিবো- ২০১৩‘পরি, ১৭‘পরি, ১৯, ২০

উত্তর : সনেট ১৪ টি চরণের ১৪ টি অক্ষর বা বর্ণ বিশিষ্ট একটি কবিতা। এখানে কবির আত্মচিন্তা, চেতনা সনেটে রূপ দিয়েছেন। মাইকেল মধুসূদন দত্ত সর্বপ্রথম সনেট রচনা করেন। বাংলায় সনেটের নাম দেন চতুর্দশপদী। সনেট হিসাবে বঙ্গভাষা কবিতাটির বৈশিষ্ট্য ও সার্থকতা : সনেট ১৪টি চরণের ১৪টি অক্ষর বা বর্ণ দ্বারা গঠিত। এতে প্রথম আট লাইনকে অষ্টক এবং ছয় লাইনকে ষটক বলা হয়। অষ্টক কবিতার মূলভাবকে উপস্থাপন

করে আর ষটক কবিতার ভাবের উপসংহার। অষ্টকে “কখ কখ খক খক” ধারার এবং ষটকে “গঘ ঙগ ঘঙ” ধারার মিল রয়েছে। বঙ্গভাষা কবিতাটি একটি সার্থক সনেট। এটি শুধু ১ম সনেট না এটি বিখ্যাত সনেট গুলোর মধ্যে একটি। এ কবিতায় শুধুমাত্র কবির মনোভাব প্রকাশ পায়নি, ফুটিয়ে তুলেছেন মাতৃভাষার প্রতি গভীর শ্রদ্ধা। এই কবিতার ১৪ চরণে কবির মনের ভাব আংশিক ভাবে তুলে ধরেছেন।

উপসংহার : অতএব উক্ত আলোচনা থেকে বুঝতে পারলাম কবিতাটি একটি সার্থক সনেট ধরণের কবিতা। এতে কবির মনের ভাব প্রকাশ পেয়েছে। সুতরাং সনেট হিসাবে ‘বঙ্গভাষা’ কবিতাটি সার্থক।

**** ৪। ‘বঙ্গভাষা’ এর নিমার্গশৈলী কবির পাশ্চাত্য সাহিত্য চর্চার সুফল-
ব্যাখ্যা কর।**

বাকাশিবো- ২০১৮, ১৯

উত্তর : ভূমিকা : “বঙ্গভাষা” কবিতাটি মাইকেল মধুসূদন দত্তের বিখ্যাত কবিতা। তিনি এ কবিতার প্রতিটি লাইনে /পঙক্তিতে মাতৃভাষার প্রতি শ্রদ্ধা ও ভালোবাসা দেখিয়েছেন।

কবির পাশ্চাত্য সাহিত্য চর্চার সুফল : মাইকেল মধুসূদন দত্ত ছিলেন ইংরেজি ভাবধারাপুষ্ট বাঙ্গালি যুবক। তার স্বপ্ন ছিল ইংরেজি ভাষার সাহিত্য চর্চা করে ইংরেজি ভাষার সাহিত্যিক হওয়ার। সেজন্য তিনি প্রচুর পরিশ্রম করেছিলেন। এমনকি নিজ জাতি, ধর্ম ত্যাগ করে খ্রিষ্টান ধর্ম গ্রহণ করেন। কিন্তু তাতে কোন লাভ হয় না। কবি বিদেশি ভাষায় খ্যাতি অর্জন করতে ব্যর্থ হয়। কিন্তু কবি তার এ ভুল খুব তাড়াতাড়ি বুঝতে পারেন এবং তার কল্যাণকামীদের পরামর্শে বাংলা সাহিত্য চর্চা শুরু করেন। কবির মাতৃভাষার প্রতি যে অনুরাগ তা এই কবিতায় ফুটে উঠেছে। কবি মাতৃভাষার চর্চার ফলে খ্যাতি অর্জন

করেন। এ কারণে কবি বাংলা ভাষাকে কমল-কানন এবং বিদেশি ভাষাকে শৈবালের সাথে তুলনা করেছেন। কবির নিজের দেশের ভাষার প্রতি অনুরাগ করে ভুল করেছে তা ‘বঙ্গভাষা’ কবিতায় প্রকাশ করেছেন।

উপসংহার : উক্ত আলোচনা থেকে আমরা বলতে পারি ‘বঙ্গভাষা’ এর নিমার্ণশৈলী কবির পাশ্চাত্য সাহিত্য চর্চার সুফল প্রকাশ পেয়েছে। এ কবিতায় মাতৃভাষার প্রতি অনুরাগ ঘটিয়েছেন এবং মাতৃভাষার গভীর ভালোবাসার কথাও প্রকাশ পেয়েছে।